

Nau Mai Rā (Welcome Home)

nā Te Haumihiata Mason

kei te aroha au ki a koe
e tānoatia nei e tauwhenua
rawa kore mai koe ki konei
ka toro te ringa ki tō kaha

nau mai rā, ki te papa, papa tipu
nau mai rā, te karanga a te ngākau

tū ana i te pari
horo kau iho te ao
kua ruha i te pakanga
rapua he ara hou

nau mai rā, tēnei rā tō kāinga
nau mai rā, te karanga a te ngākau

nau mai rā, te karanga a te ngākau

haere tonu mai, haere tonu mai

ko te ngākau tuwhera ka tū atu nei

haere tonu mai, haere tonu mai

haere tonu mai, nau mai haere mai

kua pōhiri te reo karanga, haere mai

kua pōhiri ngā maunga, haere mai

ko te ao tea roa o konei

te hoa tauwhai o te rā

mā te pango, te mā, me te pai

ka iwi kotahi te ao

nau mai rā, ki te papa, papa tipu

nau mai rā, tēnei rā tō kāinga

nau mai rā, te karanga a te ngākau

te karanga a te ngākau